

SOALAN LAZIM

1. Sekiranya saya tinggal di Selangor dan merupakan pembayar zakat di Kuala Lumpur, adakah layak menyertai Skim DZAS?

Jawapan : Ya, layak.

2. Adakah saya layak menyertai Skim DZAS sekiranya saya merupakan pembayar zakat PPZ-MAIWP sedia ada secara potongan gaji.

Jawapan : Layak dengan syarat jumlah minimum potongan RM100 setahun dan perlu mengisi borang penyertaan Skim DZAS secara *online* di portal rasmi PPZ-MAIWP atau portal rasmi PTPTN dan tertakluk 5,000 peserta terawal.

3. Bolehkah pengeluaran sumbangan Pendidikan PPZ-MAIWP dibuat?

Jawapan : Boleh.

4. Adakah amaun sumbangan Pendidikan PPZ-MAIWP layak insentif **pelepasan taksiran cukai pendapatan**?

Jawapan : Layak.

5. Adakah amaun sumbangan Pendidikan PPZ-MAIWP **layak insentif dividen** tahunan SSPN-*i*?

Jawapan : Layak.

6. Jika Akaun SSPN-*i* peserta Skim DZAS ditutup sebelum mencapai usia 18 tahun, adakah insentif yang telah diterima akan ditarik balik?

Jawapan : Tidak. Walau bagaimanapun tiada insentif layak diterima setelah Akaun SSPN-*i* ditutup.

7. Sekiranya saya dan isteri merupakan pembayar zakat PPZ-MAIWP yang berasingan dan mempunyai 2 orang anak. Berapakah penyertaan Skim DZAS yang layak?

Jawapan : Penyertaan yang layak adalah 2 orang iaitu mengikut bilangan anak tersebut.

8. Adakah layak menyertai skim dan menerima tajaan RM20 sekiranya peserta membuka akaun SSPN terlebih dahulu sebelum membayar zakat,?

Jawapan : Layak dengan syarat peserta tersebut baru membuka akaun SSPN pada tahun 2021 dan ibu / bapa / penjaga & anak perlu membayar zakat di PPZ-MAIWP pada tahun yang sama.

9. **Bila mula peserta skim menerima Sumbangan Pendidikan PPZ-MAIWP?**

Jawapan : Peserta akan menerima sumbangan pendidikan buat pertama kali pada tahun 2023.

10. Saya dikenakan zakat RM1,000. Bolehkah saya keluarkan resit zakat atas nama anak saya sebanyak RM100 walaupun harta anak saya tidak cukup nisab? Baki bayaran RM900 atas nama saya.

Jawapan : Perkara ini melibatkan soal teknikal. Apa yang penting proses bayaran diketahui dan diniatkan oleh pihak yang berzakat bahawasanya jumlah zakatnya secara keseluruhan adalah sebanyak RM 1000, namun secara teknikal hanya dipecahkan nama ketika proses pengeluaran resit dilakukan.

11. FAQ berkaitan hukum zakat ke atas-atas kanak-kanak

- i. Adakah kanak-kanak dikenakan zakat walaupun belum baligh?

Jawapan : Secara umumnya para fuqaha' tidak meletakkan syarat baligh dan berakal sebagai syarat wajib zakat, menunjukkan bahawa kanak-kanak juga wajib untuk menunaikan zakat jika sekiranya memenuhi syarat-syarat kewajipan berzakat.

Imam al-Mawardi menyebut dalam kitabnya, al-Hawi al-Kabir dengan menukilkan pandangan Imam al-Syafie:

وَتَجِبُ الصَّدَقَةُ عَلَى كُلِّ مَالِكٍ تَامَ الْمَلِكِ مِنَ الْأَحْرَارِ ، وَإِنْ كَانَ صَغِيرًا أَوْ مَعْتُوهًا أَوْ امْرَأَةً لَا فَرْقَ بَيْنَهُمْ فِي ذَلِكَ

Maksudnya: Zakat hukumnya wajib bagi setiap orang yang memiliki harta dengan pemilikan sempurna (tam al-milk), dari pemilik orang merdeka (bukan hamba), **meskipun anak kecil atau orang gila atau wanita. Tidak ada perbezaan antara mereka dalam kewajipan berzakat.** (Rujuk al-Hawi al-Kabir, 3:329)

Di dalam kitab al-Taqrirat al-Sadidah fi al-Masail al-Mufidah pula, Syeikh Hasan al-Kaff menyebutkan bahawa:

فَلَيْسَ مِنْ شُرُوطِ وُجُوبِ الزَّكَاةِ: الْبُلُوغُ وَالْعَقْلُ فَتَجِبُ فِي مَالِ الصَّبِيِّ وَالْمَجْنُونِ وَالْمَخَاطَبُ بِذَلِكَ وَلِيَّهُمَا

Maksudnya: Justeru, tidak termasuk dalam syarat-syarat wajib zakat, syarat baligh dan berakal. Oleh itu, wajib dikeluarkan zakat ke atas harta kanak-kanak dan orang gila. Dan yang diperintahkan untuk melaksanakan demikian bagi pihak mereka ialah wali mereka. (Rujuk al-Taqrirat al-Sadidah fi al-Masail al-Mufidah: 397)

Justeru, zakat harta kanak-kanak adalah diwajibkan dan hendaklah diuruskan oleh wali mereka atau pihak yang dipertanggungjawabkan menjaga harta mereka.

- ii. Adakah sesuatu harta dianggap milik sempurna seseorang anak setelah dilafazkan pemilikannya oleh ibubapa walaupun secara fizikal harta tersebut diguna oleh ibubapa? Contohnya rantai emas.

Jawapan : Sekiranya proses pindah milik berlaku samada dengan cara dilafazkan, diserahkan mahupun ditentukan kadar dan bentuk pemilikannya, serta tiada halangan dari segi penggunaan maka ia telah dianggap sebagai milik sempurna kepada pihak yang diberikan pemilikan harta tersebut.

Kanak-kanak misalnya jika ibu bapa memberi pemilikan ke atas sesuatu barangan atau item yang tertakluk kepada kewajipan zakat, misalnya emas, maka zakat tersebut wajib ditunaikan. Meskipun secara fizikal harta tersebut digunakan oleh ibu bapa, maka itu dianggap sebagai pinjaman dan wajib harta tersebut dikembalikan kepada pemiliknya iaitu kanak-kanak tersebut.

- iii. Bagaimana nak kira harta seseorang anak yang bercampur dengan harta ibubapa terutamanya kongsi akaun simpanan?

Jawapan : Jika perkongsian harta berlaku dari aspek pencampuran harta dan pemilikan masing-masing tidak ditentukan, maka harta tersebut dianggap milik satu individu. Ini disebut sebagai *khultah*. Maka zakat dikenakan seolah-olah harta tersebut dimiliki oleh seorang individu sahaja dan tidak dipecahkan kepada pemilikan berbeza. Akan tetapi jika berkongsi satu akaun, namun pemilikannya ditentukan jumlah dan bahagian masing-masing atas setiap individu, maka zakatnya dikira atas bahagian setiap individu.

- iv. Seorang anak (berumur 3 tahun) mendapat harta peninggalan ibubapa yang telah meninggal dunia bernilai RM20,000 selepas membuat pembahagian faraid. Soalnya :-

- a. Adakah dikenakan bayaran zakat selepas setahun sekiranya tidak mengeluarkan simpanan tersebut? Adakah pemegang amanah / penjaga perlu membayar bagi pihak anak tersebut?

Jawapan : Zakat ke atas harta anak yatim yang menerima pusaka peninggalan kedua ibu bapanya tetap dikenakan. Sekiranya wang atau harta tersebut disimpan melebihi setahun maka zakat tertakluk ke atas harta tersebut. Jika anak tersebut masih belum cukup umur, maka pemegang amanah atau penjaganya wajib mengeluarkan zakat dari harta tersebut bagi pihaknya.

- b. Kena tunggu hingga mencapai umur 18 tahun @ umur dibolehkan uruskan harta sendiri (mengikut undang2) baru bayar zakat. Kena Qadha atau tidak?

Jawapan : Jika harta bagi anak yatim itu mempunyai syarat khas atau dihalang pengeluarannya sehinggalah umur 18 tahun lalu pada ketika itu barulah zakat dikeluarkan, maka dalam hal ini, pihak PPZ-MAIWP mengambil pendekatan menggunakan pandangan dalam mazhab Maliki yang hanya mengenakan zakat hanya sekali sahaja tanpa diqadhakan zakat-zakat pada tahun-tahun yang lalu.